

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 55. Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 103. sjednici, održanoj 31.10.2025. godine, d o n o s i

ODLUKU

o uvećanju sredstava u Budžetu Zeničko-dobojskog kantona za 2025. godinu

Član 1.

(Predmet)

(1) Odobrava se uvećanje sredstava u Budžetu Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 12/25) za budžetskog korisnika iz nadležnosti Ministarstva za obrazovanje, nauku, kulturu i sport – JU SMŠ „Mladost“ u Zenici.

(2) Uvećanje sredstava u Budžetu Zeničko-dobojskog kantona za 2025. godinu, vrši se na slijedeći način:

- a) na razdjelu 22, budžetska organizacija 03, potrošačka jedinica 0028 – JU SMŠ „Mladost“ u Zenici, sredstva na poziciji 613700 – Izdaci za tekuće održavanje, Izdaci iz donacija - izvor 40, uvećavaju se za 300,00 KM;
- b) na razdjelu 22, budžetska organizacija 03, potrošačka jedinica 0028 – JU SMŠ „Mladost“ u Zenici, sredstva na poziciji 613900 (MCC 902) – Ostale ugovorene usluge, Izdaci iz donacija - izvor 40, uvećavaju se za 1.200,00 KM;
- c) u Budžetu Zeničko-dobojskog kantona za 2025. godinu u dijelu A. PRIHODI u koloni Plan budžeta za 2025. godinu – sredstva na poziciji 722550 – Naknada za zaštitu okoliša, uvećavaju se za 1.500,00 KM.

Član 2.

(Namjena korištenja sredstava i izvještavanje)

(1) Odobrena sredstva od strane Ministarstva za prostorno uređenje, promet i komunikaciju i zaštitu okoline škola će utrošiti za realizaciju projekta iz oblasti zaštite okoliša „Zelena škola – održivim navikama do čiste budućnosti“.

(2) Škola je dužna sačiniti izvještaj o namjenskom utrošku sredstava i isti dostaviti Ministarstvu za prostorno uređenje, promet i komunikacije i zaštitu okoline najkasnije 15 (petnaest) dana nakon utroška sredstava.

Član 3.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-19696/25
Datum, 31.10.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x „Službene novine Zeničko-dobojskog kantona“,
1x a/a.